

Bophelo ba ntja




Kajeno Abby le Lebo ba palame
bese ya sekolo.

Ben wa batho, ha a ka a kena
beseng.

Tjhee Ben, o keke wa kena!

Ho rialo Lebo. Dintja ha di a
dumellwa.



Kajeno Abby le Lebo ba ile
Laeborari.

Ben wa batho, a ke ke a
kena ka Laeborari.

Tjhee Ben, o ke ke wa kena:
ho rialo Abby
Dintja ha di a dumellwa.



Kajeno Abby le Lebo ba ile
Lewatle.

Ben wa batho, a keke a kena
lewatle.

Tjhee Ben, o ke ke wa tla le
rona! Ho rialo Abby
Dintja ha di a dumellwa.







Kajeno Abby le Lebo ba ilo
bapala pakeng.

Ben wa batho, a ke ke a kena
pakeng.

Tjhee Ben, o keke wa kena:
ho rialo Abby.
Dintja ha di a dumellwa.





Ben wa batho o dutse tlasa
sefate hekeng.

Grrr: ho rialo Ben. A ema, a
ema, Ben a robala.

Z zzzzz ...

A qala ho lora.





Ben o lorile eng?

Ben o lorile a palame bese.
"ke tla dula setulong se ka pele
beseng," ho rialo Ben.
Ben o shebile ka ntle o
natefelwa ke leeto.



Ben a lora a le ka phaphosing
ya borutelo. A dutse ka pele
mahareng a Abby le Lebo.

"Nkeke ka emela nako ya ho
bapala," ho rialo Ben. Ho tloha
moo e tla ba nako ya dijo tsa
motsheare.

Ben a epa lehlabathe, a palama
maqhubu.

Bophelo bo monate, ho rialo Ben.




Ben o lorile a fata lehlabathe,
a sesa maqhubung.

Ben o ne a natefetswe.

"Bophelo bo monate!"
a hoeletsa.





Ben a lora a le pakeng a na le
dintja tse ngata.
Ho na le ntja tse kgolo, tse
nyane, tse telelele le tse
kgutswanyane. Ben a tlolela
hodima sekomporomaya a bina
sekomporomaya, sekomporomaya.




Ben a potoloha hodima
melekerone A leba hodimo le
tlase sethellisaneng.
Yaba o epa lehlabatheng. Ben a
natefellwa haholo.

Yaba ...

Lebo le Abby ba fihla hekeng.
"tsoha Ben. Re leba hae" ho rialo
Lebo.

Tsoha? Ho rialo Ben
O bolela hore ke ne ke lora?
Atjhee! Bophela ba ntja! Ben a
nahana.




Ho bala ka dihlopha



1

Sheba ditshwantsho.

Borella motswalle wa hao se etsahalang setshwantshong ka seng. Borella motswalle wa hao hore ke setshwantsho sefe se tshwanelang, hoba sa pele, sa bobedi, sa boraro, le sa ho qetela. Phetela motswale wa hao pale osebedisa ditshwantsho.



2

Tshwantshisa pale.



3

Balla motswallé wa hao dipolelo tse latelang. Ebe o di bala ka tatellano. Qetellong, phetela motswallé wa hao pale ka mantswe a hao.

1.	Ben o lorile a palame maqhubu.
2.	Ben o lorile a le pakeng.
3.	Ben o ile a robala hekeng.
4.	Ben o ne a keke a kena hekeng.
5.	Ben o ile a tsoha.



4

Qetella tlhakiso ena.

- a. Fumana lentswe le tshwanang le lentswe le fumanwang kholomong ya pele.

lewatle	fihla	perekisi	lewatle
sheba	buka	sheba	senotlolo
bina	palamonwana	lepheo	bina
sesa	sesa	sesitse	fiela

- b. Fumana lentswe paleng le nang le moelelo o tshwanang le mantswe a latelang:

phakeng	laeborari	lewatle
bese	robala	lora

c. Qetella dipolelo tse latelang o sebedisa maamanyi:

Ben ha a kgon a ho _____ laeborari.

Ben ha a kgon a ho _____ lewatle.

d. Fumana mantswe a nang le medumo e tshwanang paleng, mme o a ngole fatshe: **eo** **oo** **ing**

e. Etsa lethathama la dintho tseo Ben a neng a batla ho di etsa paleng. Sebedisa feelwane ho arola dipotso.



5

Fumana dipolelo paleng tse nang le matshwao a latelang:



6

Bua ka pale:

- Sehlooho sa pale ke eng?
- Ke bo mang baphetwa ba sehlooho paleng
- Bolela dintho tse tharo tseo Ben a neng a batla ho di etsa?
- O nahana hore pale ena ke ya nnete?
- Ho etsahala eng qalong?
- Ho etsahalaeng mahareng?



7

Ngola pale ka mela e meraro, ebe o taka setshwantsho ka pale.